

Ibali na Masiko ama Bhaca.

Ama-Bhaca, sisizwe esini pakati kwe Tina, no Mzimvulu, kwisi chili, sase Mount Ferere.

Esisizwe apo sivele kona sivele kwa Zulu elu Tukela, apo sicitakele kona ngexesha lika Tshaka.

AmaBhaca apo emikona ngoku kukwezindawo zilandelayo. Tshungwane, Mount White, Colana, Mandilani, kude kube se Mzimkulu inkosi zesisizwe ngezi. Ezingase koyo. Mdutyane, Rolobile, Ncapai, Makaula, Diko, Sodladla, Mngcisane, Esisekoyo Ngezi Maula, Sikanda, Kulangempondo, Manjenyelwa Nohi, Seully Tobigunya, Nkebulana no Wabana oyona uyi nkulu ngoku (Paramount chief)

Ngexesha lokupila kwezi nkosi pantsi kwenkosi enkulu (paramount chief) uNcapai kuliwe imfazwe Mampondo ekute kwenye yezimfazwe wabulawa inkosi uNcapai bamhlaba ngemikhonto, bameyelisela eliweni.

2.

Kute emva koko abuya amaMpondo afuna ukutumela enye imfazwe kwa Bhaca, kodwa siva ukuba ama Mpondo akevananga ukuba kutunyelwe emfazwe elusa tsheni kuba inkosi ibisele ibulelewe ya maBhaca. Kodwa kwenzekile ukuba impi yama Mpondo ihlasele kwa Bhaca ekute ngelixesha xa amaMpondo ebesengene kwa Bhaca, kwati kuba umhlaba wawusalungile ngoko unengca inde. Kwati kanti kute xa ama Bhaca ebebalekisa inkomo kwasala inkonyane yenkomo ete yotuswa yimikosi yamaMpondo ete yakuzama ukuyihlaba yakala yabaleka ati amaMpondo kwa oko angenelwa luloyiko ati inkonyana le ilunjiwe ukuze imikosi yama Mpondo yoyiswe kanti okunene kuzakuba njalo oyiswa ama Mpondo oyela kusizibakazi esikulu Mzimvulu ekutiwa kuku Nopoyi apo ate amaMpondo ngokubaleka atshona amanye akwela pezu kwamanye yati iboloro yangabantu Le Mfazwe yayi yayibizwa ngokutiwa yeka noTintwa apo kwalwa into zoCobokana oMkaminopondo no Sondara into zoMsezeli noMoyi Nomguzane no Mabuje, Namanye amadoda akwa Bhaca.

Kute ngoku xa besekupete uMakula umfo ka Ncapai, kwa

3

kwalaula uxolo. Amalpondo nama Bhaca d benza uxolo (Truce) Nangona sekulaula uxolo amaBhaca abuye apinda alwa namalau ka Adam Kok. Kule mfazwe ama Bhaca awadela gqita amalau ati akayi kulwa ngazixobo namalau ayansuka aye nentambo zenkabi emfazweni abambe amalawu ngazo. Wo! kanti amaBhaca azakoyiswa aqala angena ehlatini kwavakala amalau esiti "Mayipume indoda emhlatini izokuhlabana emabaleni" Eteta ukuti "Pumani madoda ehlatini sizokuhlabana ekuhleni."

Kute emva kwezimfazwe laye ilizwe lixola ngoku xola. Lwaye nokanyo lubona kala ukuba luxinile kwelalo icala. uNkosi Makaula ube nomcamango omhle esingati nxa siwuqwalasela sibone ukuba waye tunywa ngu Tixo. Ngenye imini waluza imbizo ati akuba amadoda ehlanganisene wati ufuna ukutuma amadoda ayekutenga umdisi (minister) eRini(Grahamstown) atunywake amadoda amabini ayakumtenga ngopondo lwendlovu. okunene lamadoda / ahamba lomhlaba umde kangako ukusuka e Mount Frere ukuya eRini, ehamba nge nyawo kuba ilizwe lati ngekabinje lamadoda abuya naye umfundidisi. Wabekwa eTshungwane (Osborn). Ukusukela ngoko kude kube namhlanje abefundisi babini kona itishala zesikolo semini zingapezulu kweshumi.

4

Njengoko izizwe bezisemnyameni, kwamiswa umteto wokuti xa umntu enukiwe ngamaxwele (witch doctor) waze wabalekela eTshungwana usindile ekubulaweni. Kuba akuko mntu oyakumkupa kona. Emva kwalemisebenzi emihle eyenziwa ngumntanomhle

uSilwanyana njengoko abantu bake babambiza walala engwabeni uMakaula. Washiya onyana abaninzi ekuphakati kwabo kwakungaba: Bertie, Mngcisane, Maula, Nohi, Rovo, Kulangempond, Tsibiyana, Ngogwana, Nabanye bezindlwana.

Kubonakala ke ukuba uBertie makatabate indawo kayise, kodwa akubanganjalo kuba uBertie lo ubehlala kwam ndisi uWhite (Rev. Mr. White) Uyise unkesi Makaula wayempe umfundisi uWhite njengoko waye ngenamtwana umfundisi lo nguye obese Tshungwane ngelixesha.

5.

S.85 uBertie lo unke nomfundisi uWhite ukuya kupumla kwake eEngilani (England) apo uBertie afike watshata kona elinye lamanenekazi amhlophe kuba ubengalibizwa ngokuba ngu Bertie Noapi bekusitiwa ngu Bertie White. uBertie lo ubube okuqalekeni kwalonyaka (1938) washiya intombi ezimbini zilapo e Engilani nangoku.

Njengoko besenditshilo ukuthi uBertie lo akabanga nako ukutabata isikundla sikayise, kubonakele ukuba uMngoisane emva kokuba njelwa kwake ixesha makube nguye atabata, isihlalo sika yise okunene ke usitatabatile isihlalo sikayise nangona yena efika wagqitisa ukutabata abafazi ubenabafazi aba mabungu namashumi amane. Pakati kwabafazi bake bekuko nabamalau. Bebebe bati xa bembonga ngumangangayizeka nabo yeyelau. Umagwiligwilana uZwelibanzi lokufumana bafazi yena ukube ngo 1937 washiya inkwenkwe ezauba yinkulu (Paramount Chief) ise Nxukwebe esinalini (Hlaldtown)) Ngoku isabanjelwe ngumkulu wayo wasekunene uNkevulana.

6 Incube.

Lelinye lamasiko ebelifudula lise uziwa isisizwe sama Bhaca elisiko belisenziwa ngo Nalaza (Febryary) enyakeni kutiwa ukubizwa kwalo kukushwama okokuti kukuqala ukudla, ukudla okutsha njengoko kukukungena kokwindla. Bekuti xa kusondela elixesha ubeve abafazi besiti "Rwepe! Rwepe! wadli Ncube watsheka." Bekuko isiteto esiti kwabanye abantu bezinye izizwe, le Ncube kuba amaBhaca ayakubulala ize itambo lentloko yako lihlambele inkosi" Lenkonzo ibi fudula iyinkonzo ebabululekile gqita kwa Bhaca beziti inkosi zonke nabantu bazo zidibane komkulu (Great Place) Elugangeni ngosuku olumisweyo kuyiwe encubeni, bekufikwa komkulu kwenziwe untsholoenkulo kuqutywa inkomo ngamadoda nabafazi amadoda ebince amatshali awo edla umhlaba, abafazi nentombi behombe bepelele ngentsimbi nezikaka amadoda epete imipu nemikhonto amadodana epete amakawu nemikonto lemini yimini yokuselwa, yimini yokudliwa kwenyama, inyama yenkomo idliwe luhlaza yojiwe enye, inkomo ipele tu ingakange.

S.85 7. Ipekwe indawo yokuqala lenkomo ixekiweyo ibiyeke ixelwe ngendlelana apa engatshongo kona ekutshiwe umlenze ihleli iviswe inthungu ezingumangaliso. Pakati kwesisizwe basafumana ke abantu basayidla inyama rwada. Eyona njongo ye Ncube kukuba amadoda adle amatanga kuba ebengenakuwadla amatanga ukuba incebe ayikakenziwa.

Nantso ke imbali yesizwe nama siko amaBhaca. Bati ke xa besibonga esisizwe "Ngo zulu, Ntombala, Kalimeshe, Wabana, Didi, Vebi, Nofisengafi."

Bati xa beteta batsitsize naga amagama ambalwa abalula inteto yamaBhaca.

<u>IsiXhosa</u>	<u>isiBhaca.</u>
Nditi	Nditsi
Inoda	Indodza
Indaba	Indzaba
Intombaza	Inkatanyana
Umfaza	Umfati
Intsimi	Insimi
Inkunzana	Inkuntana
Ndiyakuxelele	Ndika Ndiyakutshena.

END. S. 85